

國
朝
詩
鐸

國朝詩鐸卷十六

錢唐張應昌仲甫

捕蝗

捕蝗謠

壬子夏作

嚴我斯

飛蝗爾何來薨薨如風雨朝飛蔽雲天夜聚漫江滸江北諸州人苦飢千村萬落少耕犁高原如焚下江湖半爲魚鼈半焦枯天生羽孽復蠶食此邦之人嗟何辜官司倉皇無良策下令捕蝗較斗石斗蝗斗粟何人爲我聞其事良嗟咨或云豐荒有數咎在歲天災不可以人制或云妖不勝德昔可鑒驅雖不盡勝養患吁嗟乎蝗

食民苗吏食民膏蝗食民苗誠可憂吏食民膏何時瘳
捕蝗不如捕虐吏寬租停扑蝗何尤君不見昔日中牟
魯恭化飛蝗不敢傷禾稼

驅蝗

顏光敏

夏蝗乘南風蠶食逼隣邑百里互傳警崇朝徧原隰側
聽風濤湧豐凶變呼吸比屋爭喧逐婦子列伍什攘袂
或暫休斷穗紛爭拾浹旬逢暎乾子孫復蟄蟄田祖空
有神忍見薦嗟泣乾隆十七入兩年直隸大蝗嚴旨督捕復准州縣以米易蝗作正報銷
蝗積如山禾無大損附記於此

諭蝗

吳震方

物性害於人厥彙亦頗殊巨細雖不同避之則無虞爾
蝗乃何來羣飛蔽天衢忽然落田野千頃如剝膚北盡
掠南畝西罄延東區哀哀有寡婦抱子哭路隅或云汝
之來非由汝之辜人孽釀乖尤因此行天誅抑亦長民
者撫字無良圖遂謂天不仁皇天甯可誣嗟汝類實繁
一身百其孥春溫蟄蟲出萬億生蠕蠕傳聞一尺雪一
丈埋黃墟去冬臘雪盛高將齊城郭爾子重泉間孕育
何須與吾欲張罝羅盡掩可令無敢告賢守令亟捕休
緩迂詩後載預滅蝗種法曰蝻子又名魚子生低溼水
草蘆蕩中若冬雪春雨霑足則不生冬少寒雪春
雨愆期最易生發其生發時聚在一片初時細如蚊蚋
滾聚成團色皆純黑不數日成形左右跳動是時宜急

捕須於堅蕪溼土或蘆葦中逐細尋覓如見蚊蚋黑團
及跳動之蟲急就其處掘成長溝用響竹掃箒之類敲
扒震驚遂入溝中加土築埋用火燒滅爲力甚易此蟲
自生發之日至十入日生翅又十入日成蝗倘不蚤除
羽翼長成數畝之蟪散爲一縣之蝗一頃之蟪散爲一
郡之蝗爲害不小故捕蝗不如捕蟪之力省功倍也

捕蝗

代作

周正

三年兩年旱使我常惻惻苗枯心如焚還憂在螟螣物
生各有子物理固難測水浸化爲魚水涸蝗爲賊康熙
三十年夏月茂黍稷我行課農桑田疇增氣色俯視忽
如蟻睇久生惶惑茲非蝮蝎子螟螣未生翼胡爲出我
郊欲害我稼穡纍纍數十疊行行如不及但聞唼喋聲
所過無留植仰面呼鶯鳥蔽空千萬億飛來盡啄之庶

快我胸臆蝗害亦時有休哉境不入悠悠彼蒼天自是
吏溺職孰頭黑身赤孰頭赤身黑下隰及高原誰復能
辨識籲天不我聽人地詎可得獨有古捕法能救當前
急捕得但來獻捐粟賞格立斗粟易斗蝗庶幾捕之力
解聊作粥爾食穀我食肉

驅蝗詞

顧文淵

山田早稻憂殘暑蝗飛陣陣來何許叢祠老巫欺里氓

斷蝗子

劉青藜

蝗蟲一產九十九穴深三寸形如臼上有白蟲當其口

十八日出子隨後老蝗來穀苗禿老蝗去蕃爾族斷盈

佯以坏坎身偃。僕曰：此蟲神能主興神弭災，非漫舉東塋西壠，請徧巡急整，旗繖動，簫鼓神之靈威，且武獻紙錢，陳酒脯，老巫歌，小巫舞，豈知賽罷神進祠，蔽天蝗又如風雨。里氓望稻空頓足，爛醉老巫無一語。

鴨捕蝗

三月土元縣沿江產蝗，或獻策募捕坊鴨百千食之，殆盡。鴨亦隨死，作鴨捕蝗。

陳梓

江頭產蝗地無縫，老農披蓑驚曉夢。謀夫孔多策誰貢，鴨來鴨來百千鬪。五日腹半果，十日蝗盡噉鴨肥。田亦肥，捕蝗此良法。綠頭能言笑而謔，周公制禮禮不周。迎虎迎貓不迎鴨。

蝗自滅行

張錫爵

夏月亢旱民心忙屬吏四出紛捕蝗 詔書惻怛邁前
古甘雨旣雨涼風涼吏歸復命中丞喜抱草蝗蠹今自
死惟德召和民所荷曉拜封章報 天子

紀蝗行

乾隆九年夏六月有蝗自昭陽湖經山陽而來遮蔽天日適謁公同督湖二憲入境日擊謝以撲捕爲急余率隸氓徧歷四鄉五鼓乘露翅未起撲捉計升給錢匝月而蝗淨未幾蝻子復生復同心協捕周流無間撲滅如法數年來茲歲稱大有焉郭起元

水族散魚子孽化爲羽蟲產自昭陽湖羣蜚蔽高空塵
合淮楚鄉廳轉鍾離封使星乘傳來諭令扼其鋒叫呼
千夫力丁壯及兒童日入不遑息晨光氣冥濛及此翅

尙濡翦撲露草叢升斗積邱山秉畀炎火功作勞予所
諳奚分吏與農如何蠅子生蠕動畝南東去惡務淨盡
捐糜復相從剝復轉瞬間黍苗已芄芃報賽操豚蹄蜡
臘慶年豐躋堂一樽酒快澆壘塊胸

捕蝗行

裘曰修

捕蝗先須捕蛹子出土成團黑於蟻清晨露下尤分明
蠕蠕欲動從茲起稍至跳踴各搭鞍散走十步五步間
是當下風掘長塹勢同卻月微彎環廣場四面人夫集
三面驅之勿太急漸行漸進分數層呼聲殷地圍方密
須臾盡逼入塹中實之以土加杵舂還防健者或逸出

外圍巡徼煩兒童大抵捕蝗應及早奮飛之後難施巧
飛蛾赴燄蠢蠢同末著惟餘火攻好今年入夏天久晴
河邊魚子化未成更兼蒲深葦草盛往往此物時萌生
聖人勤民默致禱北至大祀昭精誠甘雨已沛遠近
足農夫額慶堪深耕豆穀應候齊下種蝥賊何得仍交
橫除惡務盡古有訓我其長吏宜關情

驅蝗行

錢維喬

我來驅車過下邳羣蝗徧地走且飛借問道旁叟此有
長吏不何不撲殺之令其跳躍患不休叟向前致辭此
物不足怒官府遣吏來吏復責我捕驅蝗蝗未盡乃更

國朝詩集 卷之二
添衆蠹。君不見城濠邊。水乾鵝鴨飛在田。鴨能搜蝗啄
蝗子。鴨肥可食相公喜。

捕蝗行

趙萬里

捕蝻不早捕蝗難。民捕不了官捕攢。大吏驅蝗如驅盜。
小民籲天勝籲官。初時見蝻便疾捉。齊坎田塍曳長索。
風馳雲捲納深溝。水漬土埋大翦撲。遺孽詎知羽翼成。
漫天蔽日聲轟轟。忽然壓隴赤一片。邨邨駭逐喧金鉦。
幾家頓足哭無稻。幾家天幸尙完好。叩祈田祖速有靈。
蔓延明日官知道。

捕蝗謠

何綸錦

介蟲敗穀世有之防之不早捕已遲但見羣飛蔽空下
安識萌蘖由地滋詵詵育子動盈百跳躍經旬傳雙翼
秉畀炎火古有經始不撲除繼無及東邨西舍奔走忙
宣傳縣吏來捕蝗殺雞置酒款縣吏醉飽之後行拔猖
驅民入野供役使踏徧田頭及田尾蝗孽未除十二三
蝗食餘禾盡踐死蝗驚起向他處飛縣吏怒逐如合圍
田中父老眼流血散告縣吏牽吏衣天災未可人力勝
願勿捕蝗聽民命縣吏怒詈豎目嗔何物敢違縣官令
父老殷勤重致詞爲君釀錢作酒資家科戶斂入囊橐
按籍徵收無一遺縣吏笑入城中去父老回首捕蝗處

仰天太息不忍歸。又見飛蝗下如雨。

驅蝗

楊琯

歲在戊午七月秋甯隆邑中蝗滿疇捕之不勝幾束手
蔽野頃刻殘來牟上官馳檄急如火下令未雨須綢繆
縣中老翁心戰慄壯夫鬱鬱眉鎖愁上下促迫心事惡
此事畢竟誰能籌昔聞潮州有鱷魚盤踞害民無時休
昌黎一言肝膽裂三日東徙隨波流又讀漢史循吏傳
勞心撫字推龔侯名邦獨仗使君力飛蝗不敢來神州
可知民牧患不誠一誠自足邀神庥古來捕蝗雖有法
人謀安得回天謀我推物理洵不妄臨事要在探源頭

寄語諸君莫煩惱天事人事期交修天人於我兩無憾
蝗兮蝗兮何足憂

高陽捕蝗曲

梁道貞

鳴鑼轎馬紛成行高陽縣令出捕蝗傳令村中起夫役
地保鄉約走且僵有夫出夫無夫錢一夫百錢例有常
父老聞聲競來迓大呼爺爺跪路旁願求爺爺別地捕
蝻蝗不到我村莊黑鞭前導叱之起恣意蹂躪足踏將
愈捕愈有有且多羣蝗之勢何猖狂官去蝗死十二三
周視田稼成空場小民吞聲不敢言歸斂夫價繳公堂
十日五日錢已齊文書捏報上官忙宰豬殺羊謝蝗神

錄費演戲樂洋洋嗚呼蝗神蝗神如有靈胡爲享縣令之牲醴而不食縣令之肺腸。

蝗不食禾謠

呈徐稚
關太守

陶譽相

蝗之神人不敢侮蝗之食人不能阻奇哉道光丙申秋蝗不食禾滁州眞樂土

一解

滁州雨暘歲時和今年黃

稻如雲多忽有飛蝗自西北來過在天遮日月在地蓋山河官曰奈何民曰奈何

二解

官曰奈何率屬奔波南

山擬縱火北山欲張羅出俸錢以收買禱神祇於鄉儼

賊此朝食而毋傷我民禾

二解

民曰奈何滿篝滿車勞

我使君捕此么麼自朝至暮行百里以撫摩飢不遑食

泥滿鞬

解四

官盡心民盡力仁者之疆禾不敢食過山

則停遇岡斯集繞卻田塍抱榛棘君不見昨日尺深今

日無東飛入海蒼波黑

解五

公曰嘻吾民痛良天佑之

民曰嘻吾官清廉天佑之是乃至聖在位大賢爲治

一人有慶萬姓恬熙蝗不曰蝗而乃

盛世之螽斯

解六

捕蝗謠

爲攝安徽懷甯縣事楊君曉春作

魏謙升

一冬無雪夏無雨蝗孽萌生遍江許潁江三面磨上

名洲

洲葭葦彌望魚蝦稠魚蝦遺子發生易飛蝗蔽天還撲

地有民父母關西楊往來馳逐爲捕蝗自云捕蝗守土

職不德所致敢不力盡不張蓋烈日焦夜則露坐看焚

燒爲民請命仰天哭食苗何如食吾肉憂勞成疾當彌
留喃喃絮問蝗盡不一朝騎箕向天訴風馬雲車自來
去大府飛章達九重以風有位眞靖其煌煌卹典
死勤事若楊侯者庶無愧

人面蝗

西江夏秋水旱蝗蝻蔽野頭如人面愴然而作

郭儀霄

人面蝗過江災徧江西荒江西頻年苦水旱今年水旱
復蝗患蝗初過江人不識彌天際野堆幾尺官欲捕蝗
蝗入地子又生子蝗轉熾嗟爾蝗兮何不仁人面蝗心
賊我民驅蝗之神亦不神我民瘠苦惟空困草根食盡
食人肉

有小孩走入亂蝗中爲蝗吮斃

農夫田婦對蝗哭對蝗哭聲慘

哀鳴呼人心不蝗蝗不來蝗今人面傷我懷

樂城官舍紀事之一

桂超萬

白日天無光南風吹飛蝗率衆搖旌旗驅之回風翔翔者間遺墜俄頃青疇黃火攻不能盡網密不能張巧女從天來啄膚剗其腸去秋飛蝗過境有墜南宮安樂兩村者正撲捕間有黑蟲似飛螞蟻而大食蝗殆盡敢云德政孚仁慈酬上蒼冬雪幸盈尺鄉人名爲巧女餘孽凍且僵只恐人蝗多蠱毒尤難防

蝗災行

高望曾

春前但得連番雪遺蝗入地已千尺去冬不雪蝗孽生經春蠕動災遂成蝗飛蔽天日啣尾羣相接千頭萬頭

如雨集鳴鉦擊礮衆爭逐東邨散去西村伏村人控官
萬聲哭官符捕蝗下村落捕蝗之人勝蝗毒蝗食民田
民無穀官食民膏民日蹙

伐蛟

愁霖篇

汪師韓

環湖高下民縵田田肥租闕屢有年今春霖潦歷長夏
江氛嶺祲無光鮮蛟官秋拆桂陽郡白嬰卵迸生洪瀾
驚霆眩眩助狂暴決流抑隊人畜連官持金錢急處業
要令巢窟迴歡顏古者伐蛟有專掌陰詈蹴縮夏令宣
又聞閩越嗜蛟筍望氣掘煎供傳餐或云窮冬雪不積

識取纔似鯁鯁然後人所怖古所翫漁師失職斯可歎

伐蛟行

皖山多蛟思雍正間權總督魏公廷珍曾刊行伐蛟說茲重刊頒各屬余爲詩紀之

王汝璧

是何神獸非土垠天龍遺卵胎鴻厖異質黃宮積歲紀

庚泥含嚼滋脰肛厥土赤墳氣纏黑衝星貫月凌天江

產蛟地色赤氣朝黃暮黑夜冲霄

素娥散花不著地勾芒瑟縮無荏椿

鴻鵠驚飛睨欲墮離哉翻起時雙雙幾番雷雨忽墮螭

夜深往往吟蟬蛻又如醉者語嗑啗灌呶狎洽聲聵聵

其地冬不積雪草木不生飛鳥不敢集欲出時在遠聽之或如蟬在手鳴或如醉人語

是時上地

尺有咫劈山忽爾騰空豁吁嗟富媼自毓害平地歔歔

翻濤瀧厓走石莽滅沒田廬蕩潏連牀杠由來所患
貴早辨元黃氛色明陰翽制之在氣機在目多其金鼓
懸鐙幢蛟畏金鼓火光鳩夫集械趣杷扣其施七尺非耕耰及
泉霍忽動光怪肥白如瓠圍如坻一嚮軟美老饕笑奚
翅朋酒分羊羖皖山巉崑水沈滯老蛟聚族非一邗年
年伏雨肆毒虐高浪白勃如飛雙昔賢捍禦有良法垂
之令典傳非吮亟詔山農理銚隄慎斯術也心無懣嗟
我赤子本忠信豚魚可孚百怪降莫教墨吏猛如虎豈
獨蛟水憂洪澤善哉人害一時去荆溪父老非愚忝

起蛟行

李鑾宣

地輪欲折天柱搖海岳震盪洪濤漂括州婺州十八縣
忽起穿山入海無數之長蛟蛟初起水一線天乃疾風
甚雨大雷電驟衝廬井成江湖徧裂邱陵作溪澗得意
龍鼉共擲波噬人龍鬼來酣戰烏聲懽譟人聲哭日夜
滔天波一片嗟哉民命委波臣滄海桑田眼中變古者
季夏伐蛟有王章月令紀之文特詳今人不行古人法
遂使深山窮谷怪物潛萌藏雷公震震不殛死反助風
雨恣猖狂民命乃以微蟲易坐令無辜赤子罹凶殃天
乎天乎我心傷

行武義縣山中所見起蛟處

去年被蛟患蛟起處山輒破裂數十丈其

下民廬皆漂沒官賑
半年流亡未盡復也

查 揆

治縣亦有譜伐蛟亦有書蛇與雉交卵入地憑生乃爲
海大魚捕蛟亦猶捕蝗耳雪所不灑下卽是季夏之政
在月令毋使雷動驚蟄起循輿昨日婺州來瘡痍滿目
肝腸摧啞訝大壑莽崩裂想見鱗鬣掣空迴客行日午
人聲靜不見炊煙見雲影溪頭水碓閒自春牆內梨花
嬌獨靚荒荒野渡風嗷嗷中澤鴻白頭盲婦出留客爲
言衰老無主翁有婦去就娘家食有兒去作他鄉傭一
孫甫周晬抱寄東陽東流離日給官廩粥麥苗未青青
芄芃君不見某戶某口某鄉里通衢之榜紅押尾

蛟水行

潘際雲

月令記伐蛟王政在除害蛇雉交爲蟬小正注所載纖
之苟不盡爲患乃滋大此政何時廢潛蛟多種類今秋
有客皖江來五月雷雨常喧颺灑山霍山怒蛟發湧水
直溢滄江隈漂屋發石恣衝激平地十丈如奔雷夜半
昏黑廬舍沒覓衣不及啼聲哀洶洶下注洪澤湖湖與
淮水合并趨高堰誌椿沒丈九祇隔一綫黃河隅百子
塘前忽衝溢淮關上游生民戢戢皆爲魚我欲入水揮寶刀
斬此八尺橫行蛟毀壁澹臺恃忠信涉川周處平波濤

起蛟歎

郭 麐

連山處處聞蛟起江北江南幾千里橫被東西浙數州
撥刺魚蝦來屋裏腥涎入海海不受老龍呼風障海口
忽然十日雨不住傳說起蛟又幾處先王伐蛟責漁師
今人失職懵不知到處尸骸相撐拄江魚大腹飽如鼓
老蛟騰擲莫喜歡安知世無旌陽許

書異

朱綬

闕逢紀年建申月其日丁亥秋風生調調刁刁木葉捲
淒淒切切陰蟲鳴須與雨腳下如注琤琤金鐵櫓漏聲
我方抱病臥齋閣稍息枕簟喧蚊蠅黃昏聽雨雨正急
燈花澀燄搖長檠三更已過四更近潺潺屋漏銀河傾

移牀避漏歇不寐偶一闔眼神魂驚危牆欲塌瓦欲墮
疑有百怪相轟爭晨光熹微亟開戶大波汨汨翻軒楹
一炊黍頃沒至股几榻高下縈浮萍家人厨竈不可爨
累板作架支釜釧吾居無樓又卑隘鴟鵂叫屋魚游庭
禺中風定雨漸歇仰晞穹宇求開晴濃雲黯黯積愈厚
又聞急點敲鏗砰電光照壁疾雷奮行空百萬銜枚兵
陽威一振陰翳散病骨若御扶搖征朝來傳聞咄哉怪
有蛟破窟頭角猶蛟非一處出同夜排山撼海水滿盈
千鈞巨石壅粉碎十圍大樹根株崩厚輿忽裂邱墓陷
異事詫倒西山僧嗚呼郭西諸山少嶢嶢何年雉堞遺

蛇精水從山腹漫山頂浸滅古佛長明鎧寒山一蛟最
猛驚盡拔慮舍無留藁穴山爲潭深且闊發洪先駭句
吳氓木棉已鈴稻初秀那堪積水充溝塍比年無年苦
望稔高叫闐闐疇能膺始知伐蛟備王政古后用意通
神明牧令之官盡厥職閭閻庶以歌豐登

蛟水歎

戊子五月嶽巖
諸州起蛟大水

吳世涵

地軸折歛城裂海藏翻越山沒三更蛟起天深黑萬家
悲哭聲嗚咽雷鼓不敢鳴連眉一吼山旬旬電光不敢
照毒霧閉盡混沌竅人人號泣呼天公天方暴雨兼狂
風老蛟喜得風雨助簸蕩屋舍如捲蓬大屋城上浮小

屋江中流江中城上去如箭一燈猶閃誰家樓君不見
七里灘頭富春渡流屍滿江骸滿路鼉鼉噬肉跳狂波
烏鳶啄腸挂枯樹古者季夏伐蛟命老漁物爲民害必
剪除後世傳流失其法遂使深山大澤得潛居伏時不
識起不誅往往爲害徧邑間令我駭歎心煩紆

捕虎

虎患息

靈壽之地多山有虎爲害程邑侯爲文虎
禱山祠忽覩異獸文身銳角如古所稱食

耳者搏虎啖之自
是患息因書其事

傅維樞

王畿右下擁太行千峯百峯駐恒陽恒陽西鄙爲靈邑
嶮峭窈窕稱山鄉朱山房山相對峙祁林慈水羅修篁

巨松森挺溪草茂羣虎因得穴其旁
山中人畜羅斯害磨牙吮血心爲傷
山東程侯作邑牧遠詣山祠爲祈禳
忽有異獸應時至滿身鋪錦角卓槍
古稱酋耳能食虎果見搏虎如搏羊
恣噉血肉須臾盡委骨林麓皚如霜
自茲虎患爲衰止山氓仍得安農桑
前此春旱土出蝻入夏生羽成飛蝗
竟有細蜂來蔽野羣飛齧蝗蝗盡僵
出境之蝗渡河虎大書異績史冊光
中牟傳美或無二侯與先後相頡頏
邑民感此互傳述士傳其語作頌章
觀風使者采入告用備樂什升明堂

殪虎行

商盤

震天鳴鑼動地鼓十里牌前人捕虎此虎公然白晝行
不踞岡巒出林莽奮威初恃爪牙利失勢漸看神氣沮
農人攘臂無戈矛一夫當衝百夫拒咆哮一聲虎就戮
血點斑斑濺沙土弭災除患養神靈割肉留皮獻官府
國家綏靖百餘年豈少藏兇同獍狺殘軀貳負生可械
毅魄刑天死猶舞王公設險爲防奸文武和衷能禦侮
屯兵衛民民養兵厥制駿駿漸非古出車準賦本良模
農隙還宜教軍旅請看殪虎太平民倉猝耰鋤勝弓弩
作歌聊備采輶軒努力崇文莫輕武

捕虎行

夏夜雷雨暢春園圈虎逸其一平明有三
人觀荷液池虎起斃一人蒙古部校某刺

殺之

吳慈鶴

太液荷花淨於雪三人曉起看花出涼風吹鬢襟袖香
突起於菟半空裂兩人駭躍清池裏一人已爲虎所餌
黑河勇士行如風翻身一刺穿其胸萬夫舌擣軍吏賀
此勇真能不膚挫方今期門佞飛盡如此櫓槍太白安
敢起。

勘災查戶口

奉 命勘荒畿輔感賦十首

李振裕

上章敦牂歲如月當芳春子役燕趙間策馬行踳踳風
塵滿袍袴奔走及五旬所歷非一狀艱苦難具陳繪圖

所不及到處懷悲辛天行亦何酷使我涕霑巾

東南傷白波西北苦熯旱火雲燒碧天燿如九日爛黃
塵撲而來極目吁可憚縱欲焚巫尪詎能紓此難伊予
飽天祿束手徒浩歎安得凌青雲手自決雲漢挂流灑
遽空原野溥浩瀚庶幾慰我民復得事耕爨

萑茨掘已盡雀鷃捕亦稀燕南千里地道殣民命微東
風二三月百卉揚芳菲感彼翳桑人盡室恆苦飢流亡
滿道路破屋生蚍蜉蒿目不忍觀攬轡情歔歔

短柳覆土垣炊煙冷荒縣驛館暫停驂馳驅未云倦丞
黎實孔疚不飽藜與覓遮拜迎馬首鳩鵲無顏面餘生

寄溝壑踉蹌手足戰余懷爲酸辛朝餐不忍嚙

州里固蕭颯村落尤荒涼曠野日空虛困匱無蓋藏賣
牛還鬻女殯首歎牂羊堪憐弱齡女乞食大道旁豈不
知禮義飢餓情倉皇面鰲兩足胼百結無衣裳

矜孀立老翁襁褓走村嫗滿目皆瘡痍匍匐繞童穉飢
寒不能耐徙倚陌頭樹顧影不自持前行每置仆乞歸
藜藿羹覲面那相顧昔時朱陳村羊酒歡嫁娶今日聚
道旁相視如陌路

西連井陘道北與醫閭接長路多野殍飢烏啄其脅敗
屋儼枯槎殘藜如病葉渾河一綫來悲風爲颯沓中有

凍餒魂飢腸苦疲茶我馬亦已頽殘陽空蹀躞

恤荒載周禮祭肺古所諫二穀偶不登尙方撤鳧雁一
從畿輔災宮中罷歡宴吾皇重民瘼齋心屢減膳咨
儆日臨軒溫語出三殿寒沍曾幾時佇待陽春轉

聖皇厯宵旰羣工宜戰慄獄訟關民生毋令紊法律徵
斂有科條毋令誅求亟豪家賤牢醴毋令驕且溢貧民
易長嫗毋令陷盜賊數者一不平天災何由息敢告百
有位敬慎憂厥職

災沴雖流行補救藉聖主詔下屢蠲租湛恩非小

補大農頒玉粒筐筥出天庾長吏絡繹來分給有部位

無使滋中飽長吏吾勗汝盜胥衆螟蠧官長大雀鼠汝
曹愼奉行霽霽恩宜溥

勘災吏

張篤慶

火雲何烈烈千里無寸苗狂飈黯白晝赤日纏山腰

解一

無食昔所歎憂旱多辛艱願言告令尹爲我達上官

解二

令尹一何悲父老不解事催租令如雷昨日黃符

解三

至六詔雖已平萬里餉戍兵恐觸上官怒告哀終

解四

何成父老前致辭十室九不炊逃亡無家別辛苦

解五

五流離鼠勉報災早小字達中丞曰遣鄰邑吏勘

解六

災到荒城亦不聞省郊亦不聞履畝張皇飭厨傳

殷勤接盃酒

七解

亦知上官意塞責來相過客吏顧主

吏此事當云何

八解

旦夕徼天澤雨露將在茲良苗競

懷新下吏翻成欺

九解

爲我謝父老努力鬻爾田辦租

奉公上皇天應見憐

十解

檢田篇

輟耕錄載袁可潛檢田吏一篇去年吳中大水余身役踐更其事頗類感而賦此

吳祖修

去年妖孛亂元冥天公夢夢醉不醒一雨百日船入市
眼見官租沈水底六月颶風復作惡江潮并漲淹城郭
府帖下縣催勘災竹簽連出風火雷縣官不肯下鄉去
倉皇具報災分數文字盡出老吏牘遂把荒田批作熟

煌煌黃紙免官糧戶戶燒香祝 聖皇誰知我田不得
上開倉不把毫釐放無米難教布春種况復冤喫公庭
棒囊空拚不愛肌膚但恨無肉填鳶鳥

排門行

楊泰

縣中吏持府帖下里正抱冊前迎馬核戶算口并搜粟
極貧次貧門上寫飢民欲增吏欲減里正匍伏長官罵
謹譁叫喚婦子號風雪空村淚盈把

沔陽道中夜聞鄰船語

彭淑

夜聞鄰船語使我中心悲去年歲大旱十室九家飢痼
瘵塵 宵旰哀此萬瘡痍金錢百餘萬縣縣有賑施府

帖連夜至州官下鄉來里正察煙戶胥吏造冊書民戶
分上下下者得給支關牢有牛豕鬻盜有糶梯堂下有
几案室中有簾帷不得爲下戶違者罪當笞十室九吞
聲咨嗟涕漣而踰月下教令佈告放賑期窮民大歡喜
忍待舖糜時至日紛絡繹流離色慘懷皆鳩形鵠面雜
殘疾癯疲顛倒扶翁媼藍縷裹嬰兒遠近數百里孤獨
耄與齟呻吟滿衢巷延頸相盱睬州官又下令不得濫
施爲戶惟準一口放錢二百餘於中雜鐵沙其人索例
規成錢不滿百可作一頓糜其時數萬人仰天哭聲哀
已是枵腹來仍教空手歸有力或逃散無命死路達散

者爲雲煙死者爲塗泥州官方宴樂百戲供豪嬉奴隸
侍俊邁大馬饜甘肥能聲遂特起獎借共提攜昨日擢
五馬前程無時衰誰知一揮霍血肉皆烝黎疇能警官
邪尙其採口碑

畿南行

管世銘

畿南積旱今尤酷乞食車前常滿目我來寂不見一人
身凍魂僵難出屋大發神倉六十萬 湛恩足滿羸黎
願長吏如能善奉行窮檐自免生咨怨一語還當告憲
司不須查濫只查遺官僅有放毋遲放如此天寒最畏
飢

靈壁香災

陶譽相

捧檄出西門蒼茫不識路小艇蕩欲飛天水接煙霧災
黎閭我來聚向泥中訴前年水在門去年水在樹今秋
勢更兇傾房如破瓠生者少安居死者失墳墓當此沍
寒時十家九無袴聞言淚欲潛研朱記名數

胥役如鬼蜮保甲若蛇神報名有定費造冊須丁繆委
吏下鄉來供應多羶輦爾糧豈易食坐索聲紛紜村翁
叩頭泣老婦無完裙三日未得食昨夜嚼菜根若待給
糧時皮骨知何存願言不食賑請君勿上門里長置不
顧入室搜雞豚

哀哀澤畔鴻棄雛空桑中豈無顧復意飢來焉得從與
其相看死不如分飛生離雛鳴宛轉四野生悲風啼號
委道路見之摧心胸

水退孤邨出路小深淤填跼踖偶失足一落遂九泉前
日放鴨人墜死沒及肩旁觀不敢救狼藉飽烏鳶我來
歎途窮十步九留連回頭見痛僕泥淖悲踟蹰

胡敬開倉謠見水災門

勘災三絕句

屠倬

不分高下總山田蕭索秋光到眼前蕎麥花開豆苗長
可能草草度殘年

圩田一角占東南約計收成十二三熟地無多荒地徧
細排戶口算丁男

霜白風尖徹骨酸全無襦袴況朝餐活民心事無多字
只作家人父子看

報災謠

陸坊

雨師不管鞭陰石下田焦卷高田赤府檄如聞委吏胥
被災分別登災冊縣前接迹疲氓來三百錢報一畝災
無錢痛哭仍空回君不見農日瘠吏日飽是災非災恣
顛倒更望來年旱尤好

勘災行

姚鎮

聞官來勘災饑民馬頭立官曰爾飢否胥曰此富邑民
曰已絕糧隸曰有餘粒官聽左右言掉頭不肯入飢飽
在胥隸官惟溥手執未勘民或飽餘米前臘積勘後民
皆飢官過錢盡納官去報勤勞飢民夜相泣

彭兆蓀偏災行
曹楫堅查災行見災荒總

報災

吳世涵

遇災雖無異所報有不同大郡常報歉小郡常報豐大
郡歉不報薦紳不肯從小郡若報歉官長不相容連年
天降災旱曠徧浙東今歲旱尤甚烈日焦槁種昨聞隣
邑人報災縣庭中並遭官長罵謂汝何欺蒙此郡數十

年不曾報災凶今年雖小旱未必害耕農高田或稍歉
低田仍荒荒自可相裒益豈遂原野空汝輩還鄉里可
告諸老翁救荒吾有術報災甚無庸明旦官下鄉驕從
何雍雍非爲勘災至催科驚耆童

踏災行

薛時雨

鄉民洶洶莽且鹵走向公庭訴疾苦萬口嘈雜不成聲
手持枯苗淚如雨長官鳴鼓急升堂災狀一一親端詳
疾苦豈待爾民訴長官旦夕心徬徨下堂重向爾民道
車屏宜勤救宜早長官本自田間來痾瘵爲爾縈懷抱
爾今速歸勤灌培我今出城親勘災鄉民稽首魚貫去

長官獨掉扁舟來。舟行十里河流塞。斷港絕流行不得。
僕夫裹足愁炎蒸。道旁有蔭爭休息。長官一見心則噴。
爾輩憚暑何逡巡。眼前車戽苦十倍。此苦我欲分斯民。
舍舟登岸腰腳健。東阡西陌循行遍。鄉民傳說長官來。
黃童白叟爭相見。自家疾苦忽不知。冒暑轉爲長官嗜。
茶湯瓜藕各進獻。一甌受爾慚且悲。歸途烈烈炎風吹。
父老送我涕沾頤。寄聲父老且勿痛。我歸爲爾謀賑饑。
賑飢平糶

發倉穀

顧壽開

發倉穀賑飢民。飢民鰥寡形非人。肯啗無根樹皮盡荒。

村破甑生埃塵去歲三冬稀雨雪今春入夏風霾烈燕
齊秦晉同亢陽二麥乾枯土膏絕紛紛州縣動呈祥踏
勘災成例報荒司農覆奏獲 俞旨戶給升斗充飢腸
乍見文書皆色喜家家望領常平米不知冊籍造如山
盡坐虛名混張李發倉穀賑飢民多入私囊少濟貧千
困萬廩化烏有窮黎粒粟難沾屑救荒誰謂無良策畢
竟今人不如昔若教食肉只謀身良法雖多復何益滄
海誰如谿壑深長沙涕淚一沾襟可憐照徹逃亡屋虛
費 君王化燭心

賑饑謠

方 授

官今寺院各煮粥聊充三日饑民腹扶親抱子或攜妻
我悲欲繪圖一幅繪此圖亦何爲民雖饑當告誰於今
不饑之人總不知君不見黃堂夜夜羅歌舞賑饑粥米
民間取自謂能拔饑民苦刻石收之德政譜

捐粟行

澤州歲饑魚山陳太公捐賑累百萬石來歲豐競輦粟以償公不受州人泐石載德

有司聞于撫軍請入告太公力止之作捐粟行

王澤宏

澤州有鉅族奕葉盛蕃滋系出太邱後冠蓋盈軒墀我
公眞長者鄉黨稱仁慈甯辭金紫貴願與松桂期州郡
忽歲祲億姓恆苦饑捐粟百萬斛里閭起瘡痍來年慶
有秋酬恩允在茲公復再遜謝脫贈甯自私有司上其

事將奏 天子知市義非所爲襲名請固辭三晉稱我
公樂善且好施利濟非一端隱德莫能窺我聞三歎息
斯人實我師我 后敷愛養所重在羣黎大吏剝民膏
小吏斲民脂災祲罔入告疾苦誰復思相將委溝壑秦
晉多流離使公秉化權赤子當含飴甯煩 聖主慮蠲
賑使屢馳國賴良臣濟家仗善士持奠哉仰高風永爲
後世規

哀淮人

嚴允肇

驅車適海岱日暮行人愁餓夫相枕藉老弱羅道周揮
涕前致辭淮楚是吾州渠穿廣陵道水納黃河流舳艫

來吳會東北通咽喉一朝河岸決漫衍東南陬百萬爲
魚鼈何論田與疇竄身來此方苟活同蜉蝣此方又荒
旱赤地誰勸耰官吏責富戶浚削如仇讎財賦一以空
猗頓皆黔婁兩地總困阨一死夫何尤聽此腸寸結淚
下不可收寄語當路子閉糴非良謀自注時鄰邦有閉糴之令昔聞
富鄭公勸民貯乾餼所在發廩給去住俱自由公私雖
兩困危急庶有瘳萬邦苦飢溺安飽亦足羞何時災沴
息躬耕樂行休沈歸愚曰當路救災無術惟浚富戶不
知周官先重保富蓋富戶乃貧民生活
之源也但爲富戶者亦須量力施仁不可
擁財自豐耳若猗頓皆黔婁則同盡矣

道旁歎

周宏

三月四月麥未熟餓夫扶攜領官粟得粟村墟起暴煙
嫠婦何爲道旁哭自言幼本名閨妹父母衣我紅羅襦
十七嫁作儒家婦足跡不出門中樞夫亡十指難餬口
連歲凶荒斷升斗縣帖紛紛催樂輸大兒枵腹披枷杻
小兒呱呱懷抱中身死奚恤愁兒從昨聞 詔書發粟
賑匍匐哀告含羞容安得有錢買胥吏賑籍無名長官
詈躑躅中路不得歸以此悲傷灑血淚我聞斯語愁心
神彼司牧者獨何人方看嫠婦泣東陌又聽悲怨來西
隣

沈歸愚曰賑荒
之弊自昔而然

散米謠

尤侗

一叟扶杖拄一嫗倚門佇一夫趨簷楹一婦隱庭柱手
中提一男懷中襁一女一農又一工一商又一旅一漁
又一樵一衲又一羽跛者步槃跚駝者立偃僂喑者呼
嗚嗚瞽者行踽踽尪者貌元黃裸者身襤褸寡妻逐鰥
夫孤兒隨獨父或操簞與瓢或攜筐與筥或以破帽盛
或以敝衣取或挈瓶托鉢或將雙手舉左去右復來前
推後還阻丁男四千餘丁女三千數小吏在傍立往往
識爾汝某也田舍翁某也市門賈某也弓之子某也褐
之父某裙而某釵蕭孃及呂姥疇昔大有年各能立門
戶飢則食肉糜寒亦被統紵一日遭凶荒死亡十去五

壯者走四方弱者守此土聞有發粟令百里爭趨府可
憐良家子乃與乞丐伍性命且不保廉恥何足語朝幸
有米炊暮尙無薪煮甲哺不及乙辰飽不待午今日更
明日卻愁空廩庾子顧太守歎大無豈小補雖竭尙方
租難噓寒谷黍欲繪飢民圖獻之上帝所大發萬千倉
散爲天下雨

紀賑

又

朝驅北平東暮馳北平西問君何所行奉 詔賑災黎
使者上頭來千騎壓城隄箕踞高堂上意氣吞虹霓金
盤羅几席椎牛烹黃紙官長左右立指揮似童奚百工

盡奔走執役到鳴鑼鑿銀細如粟權衡慎毫釐跡重
封裹筐篋與山齊大示張通衢遠近爭扶攜一口散丁
夫二口散丁妻子女三四口半口及孩提七十賜疋布
老人學兒啼前行旣匍匐後至還推擠號哭填街巷穢
臭聞堂基哀哉餓鬼道形狀同牢陞握紙不盈掬珍重
如琉璃此行良不易跋涉更山谿昨日至今日明日候
期期供作數日糧空手歸田畦吏呼方咄咄婦歎仍淒
淒烏虜小民苦堯舜病難醫閭閻分芥子內府破須彌
後宮減絳綺 至尊徹鹹醢巖巖廊廟臣爲爾徧輪蹄
大吏口舌敝小吏筋骨疲櫛沐風雨中面目等黃泥豈

敢辭况瘁但願慰調飢使者乘傳還戶口滿箱簞入朝
告 天子咨嗟歎靡遺祈穀籲上帝努力勤耕犁

煮粥行

又

去年散米數千人今年煮粥纔數百去年領米有完衣
今年啜粥見皮骨去年人壯今年老去年人衆今年少
爺孃餓死葬荒郊妻兒賣去遼陽道小人原有數畝田
前歲盡被豪強圈身與莊頭爲客作里長尙索人丁錢
莊頭水滂家亦苦驅逐傭工出門戶今朝有粥且充飢
那得年年靠官府商量欲向異鄉投攜男抱女無車牛
縱然跋涉經千里恐是逃人不肯收

發粟行

唐孫華

去年丁亥逢旱災良田坼裂成荒萊芋羹豆飯苦不給
紛紛填壑眞堪哀 聖慈蠲賑恩邁古詔下歡涌聲如
雷江南歲漕減半額我州得留三萬石假令給散盡飢
民何難立起溝中瘠無如鼠雀會分肥官吏交通恣侵
食胥徒里長喜揚揚挨戶排門寫飢冊青錢入手始書
名大半空名點鬼籍官符火急催租忙鞭笞流血盡成
瘡大斛徵收小斛出強半已自歸私囊村民持票踏城
闕扶攜百里支官糧十日五日不得發忍飢垂橐仍還
鄉空使黔婁盡僵路誰知汲黯便開倉卽有窮民沾斗

粟尅減餘存無好穀。官侵逾萬吏累千。無限奸豪各滿
欲。盡奪飢民餬口糧。飽充若輩燃臍腹。可憐賑富不賑
貧。官吏歡呼窮戶哭。初聞 恩命盡欣欣。詔書挂壁
徒空文。嗚呼災民有苦向誰訴。天門詖蕩何由聞。

糴官米

景星杓

雞鳴風淒淒。餓夫悲語妻。侵星糴官米。歸來雞還棲。此
去夕不返。應恐魂來歸。不見隣家老頭裂。緣鞭笞。又聞
寡婦兒踐成足。下齎始貪官米賤。可食何知浥爛攬糠
粃。况復臨險難。畏如虎穴躋。還期相子分。餓死何復就
爾官倉爲。

散粥行

代雄縣

周正

嗷嗷將奈何救荒無長策蹙蹙同饑民皇皇不安席捐
米鬻作糜聊以救倉猝隣民卽吾民恣食何所擇計口
日日增頓頓盈千百或二三爲羣或踰踰影隻無可蔽
裸體肌膚爲枯腊婦女尤可矜一身無完襪大兒牽懸
結小兒挾左腋哀哉無少壯瘦形碑硯骨見粥勢欲奔
足若有所畫行如兒始步趑趑乃屈躄語如鬼彪聲飆
飆在喉噏乍見驚非人視之心如刺汝餒忍我飽吾存
忍汝歿分俸共食之活汝於旦夕吾鄉亦薦饑民不足
糠粃有司謀設粥粥米按戶索上不遺薦紳士庶均見

迫能破守錢慳理得情不逆中人幾何產吮乃遭其搯
吾恐捐粟人行作溝中瘠

賑飢謠

查慎行

官倉徵去粒粒珠兩斛米充一斛輸官倉發來半糶穀
一石纔舂五斗粟然糠雜秕煮淖糜役胥自飽民自飢
吁嗟乎眼前豈無樂國與樂土不如成羣去作倉中鼠

關中民

顧嗣立

關中三年旱風起大麥焦黃小麥死兒哭耶孃妻覓夫
雜踏飢民如集市官家蠲租詔發棠煮糜調粥療飢腸
長吏公私多扣剋一斗止合三升糧攜囊挈瓶爭領牒

口飢打手踵相接。縣官三日不開倉。十人八九僵路傍。

賑飢二首

黃裳

飢民載道奔如蟻。去入城中領官米。皇恩浩蕩昔未逢。現漕留截賑哀鴻。哀鴻嗷嗷冀一飽。未發倉糧先發票。歸家執票相對泣。恐填溝壑不得食。

東家老翁更歔歔。無食無兒常苦飢。縣胥里正各需勒。艱難得入飢民冊。可憐生成體素豐。皮肉消盡骨幹雄。昨朝點視遭官罵。不得將名飢冊挂。

饑民謠

楊士凝

村村屋頭鴉亂飛。塵封爨火炊煙微。隣人乞食縣門去。

羨殺鼠食官倉肥江南今年星在留青錢二百米一斗
詔令減價更賑荒里老奉行開戶口縣令踏勘初入村
萬戶盡望天家恩饑民無錢吏胥怒有名不上官家
簿沈歸愚曰勘災之弊自昔已然

官賑謠

鄭世元

黃鬚大吏駿馬肥朱旗前導來賑饑饑民腹未飽城中
一月擾饑民一簞粥吏胥兩石穀我皇聖德仁蒼生
官吏慎勿張虛聲沈歸愚曰中間四語古今一轍付之無可奈何而已

私賑謠

又

昨聞飛檄來幽燕官家漕米都回船吾鄉急公且好善

富人大戶羣助錢樂輸執簿沿門走點簿挨家米一斗
此雖善事何勞勸多寡亦要隨人願富家十石爾道多
貧家一斗將奈何富家陳陳堆滿屋貧家一斗剗其肉

煮粥歌

癸巳歲飢廣州煮粥以賑扶老挈幼就食陳子過而哀焉

份

颶風爲暴歲阻飢將軍入告銀章飛 天子曰嗟民其
憊尙書欽哉宣朕意四月驄馬抵粵濱蜷蜷輸挽走江
雲飛檄十郡榜鄉曲傳出 天語令煮粥東門煮粥在
較場白骨纍纍青塚荒西門煮粥開僧舍紅蠻鴛瓦晶
晶射南近大海北枕山煮粥無地就市間南北東西路
坎坷十萬人家待舉火不因增竈壯行營已歎積薪委

曠野煮粥吏監粥官吏侵米。法不寬。官侵米。吏無權。侵米一斛十萬錢。初煮粥以米。再煮粥以白泥。三煮粥以樹皮。嚼泥泥充腸。嚼皮皮有香。嚼泥嚼皮緩一死。今日趁粥明日鬼。

姚世鈺糴官米篇見米穀門

嗟來行

楊泰

老持幼寡攜孤挈瓶擔桶羣將扶酸風寒雨雪凍塗手
戰足裂無完膚婦無裙布男無襦推擠拉雜仆復蘇夜
行早伺至日哺輾轉往往死路隅吁嗟乎城中兩邑分
賑設官厰城西纍纍埋邱莽

袁枚苦災行見災荒總

賑粥謠

阮葵生

殘月照蘆柵，餓夫披衣起。持盞詣官倉，十街走迤邐。晨
出暮告歸，竟日廢生理。可憐一勺漿，泥沙雜糠粃。上療
父與母，下逮妻與子。今朝去不返，舉室倉皇俟。俄聞隣
家哭，爭訴隣翁死。衆足踐如麪，肉血飽螻蟻。又聞寡婦
兒，腦裂緣鞭箠。長官戒擁擠，杖下多新鬼。嗟乎誰司牧，
坐擁天庾米。空文報上官，金錢化流水。戶口夢無稽，斗
石濫誰紀。朝廷重民命，賑卹下明旨。撫字成何心，
因之以爲市。是心清夜捫，忍此溝中髓。登城望北邙，荒

墳若蒼粟白楊風蕭蕭路絕烏鳶喜

糴米吟

方杓

亢旱經三時嘆歎遍大塊高原圻疆文下隰艱濯漑晝
夜響枯樺喧呼雜詬誶富室雖減租得半價增倍倉庾
矧素豐旱澇詎能害歲儉益居奇益藏抵珠貝以致糴
米人有質亦狼狽易粟且不得違言及稱貸坐視桑梓
民半作道旁丐嗷嗷側目者長飢焉能耐我亦糴米食
微昂生慷慨安得千畝田豐凶長有賴一鬴幸自給波
及身以外先賢戚屬需次救鄉隣瘵有求靡不應誓除
鄙俗態明知此願賒放言聊一快

賑厥行

淮商輸粟賑飢秦州兩賑日給十萬餘人余奉檄來作此湯禮祥

東方未明門大開饑民如潮入厥來婦人在右男在左
左右有門門有鎖商人約束居上頭人滿門啟給以籌
持籌易粟出門去淒淒切切篷中住篷中住愁雨雪林
暗風悲泣幽咽况聞冰凍饑民船船中不少凍死骨安
得一冬無苦寒饑民勿悲行路難

勸糶

楊殿梓

人時有貧乏歲不皆豐穰今年雨澤愆穀貴民轉傷昨
經平市值生計籌久長而何告諭出斬茲升斗糧嗷嗷
眾赤子典質罄衣裝攜錢覓朝炊四顧空皇皇樹皮與

草根豈充饑餒腸側隱苟同具見此泣道旁勸爾爲富
者回心從善良乘時急糶賣勿謀價高昂古者黃承事
積穀待饑荒糶時不增價其後遂蕃昌抑聞連處士平
糶濟一鄉二子陟科第表述宜歐陽利人實自利專利
怨無方人饑已獨飽多藏必厚亡行事判涸薄居家餘
慶殃况嚴閉糶禁憲典尤彰彰

彭淑沔陽道中篇見前勘災門

開河謠

吳蔚光

急開河急開河開河不第可防旱救活飢民三十萬飢
民爭聚河上頭操畚持掘攜鋤鋤戽水三日事已畢挑

泥一月工始訖三日二百四十錢一月將近錢三千三千錢換六斗米得緩飢民兩月死東鄉貴涇塘竟開差牌官票日夜催計工七千五百丈肩摩踵接歡如雷西鄉六河開尙未三支三幹大闕費費闕只須富戶充盡推田荒錢米空富戶一升粟可作飢民穀兩斛富戶一兩銀可作飢民金半斤青黃不接沒生路飢民仍舊喫富戶急開河急開河君不見捐金發賑無奈何一賑兩賑都已過西鄉飢民四十九圖多大口一賑得錢一百三十幾小口一賑纔到七十耳

糶官米

王夢篆

官府開倉糴官米吏胥倉皇市估喜貧民日糴米五升
販夫夜載如流水官價平市米藏官米盡估價昂官倉
米少糴三日大戶私倉齊遏糴侵晨匍匐向市門亭午
依然垂橐入赤腳趙肩日力窮斲齊作羹無粒食

行賑湖州示官士

阮元

天下有好官絕無好胥吏政入胥吏手必作害民事士
與民同心多有愛民意分以賑民事庶不謀其利吳興
水災後饘粥良不易日聚數萬人煮糜以爲食士之任
事者致力不忍避與官共手足民乃受所賜

緯代賑

嘉慶癸酉六月

又

鴻雁年年飛所謀在江湖閒民無聊賴慣作牽船夫粟
米四百萬轉運達帝都南漕五千船船與廿夫俱牽
夫十萬輩歲歲相挽輸南牽來瓜州北牽過長蘆負絳
面撲地蹴踏聲齊呼前船呼邪許後船唱喁喁當暑無
笠蓋逢寒無袴襦陰雨沐毛髮烈日炙肌膚岸宿犯霜
露川涉陷泥塗或爲頒白叟或爲鬢鬢鬚兵吏促行程
執朴相逐驅戀船如戀家孰肯爲逃遁問伊何所樂問
伊何所圖一飯何所樂一身何所圖所累惟此口藉船
相爲餉有時力衰盡溝壑在路隅年豐尙謀食歲荒食
更無今年春夏旱山東一二麥枯農民無收穫握粟如珍

珠俯首掘草根煮及薺與荼仰首剝樹皮屑及柳與榆
魯宋數萬民貿易來川途川途亦無麥守死能須與饑
民爾勿死爲我牽舳艫一船加廿人數萬抵飛芻加夫
不得力不慣相曳妻不慣鳴欸乃不慣合步趨雖不合
步趨聊使相挽扶才牽牖河船便得飯數盂何嘗說相
賑與賑實無殊方今太平世爾曹壯而愚得食卽 帝
恩無食良可虞自古食爲天一飯眞區區

粥廠

陳文述

災區集饑民縣官設粥廠城闌路康莊寺觀地平敞增
竈師虞詡運米資韓滉疲癯紛扶藜孀嫗遠負襁伶俜

走鳩鵲躑躅聚夔魍各各攜筐篚紛紛挾盆盎植木固
壁壘剖竹台筴蕩魚貫集晨烹臠至趁味爽道殣賴
哺溝瘠瘕待養惟聞當事憤頗任胥役罔鍛石充楚糜
屑榆冒葛饒滯腹剗肝胃澀口扼咽吭定致釀疫厲行
見斃塵坱實政頗有人良法近可仿秣陵吏治賢京口
士氣慷慨道在均貧富事先周里黨戶籍既羅胸姓氏咸
指掌平糶貸釜鍾散錢俵緡緡既可避寒凍兼亦息勞
攘姑蘇矧蕃庶媼釐夙豐穰如何謀不臧致令民無仰
纖嗇始巨室謬誤由官長夏統拘蠅蠅杜陵拾棺椁凶
扎天所界安危人是仗煌煌名公卿歷歷豪僧駟祇解

較鏹銖還復念草莽警耳雁鳴哀關心鼠憂痒翦燭擁
寒爐一盂慚獨享

胡敬林中丞新政詩見善政門

賑丐行

劉嗣綰

寺門千人堵牆立鵠面鳩形相對泣一人出門給百錢
丐之歡聲行動天丐兮免流亡丐兮覓棲止叩頭謝官
敢言恥丐之妻孥父母子扶老攜幼歸故墟願丐常作
良民居他年丐亦施錢者感泣還聞徧四野

冬春行

黃安濤

臘中春米填倉箱出囤粒粒如金黃幾家有米望貴售

客船載去錢充囊。春來市頭無客船。冬米一石錢二千。
欲糶慮賤賣。不糶愁無錢。欲糶不糶心煩煎。勸君勿煩
煎。且試聽我歌。一囤米供千飯籩。糶者錢患少。糶者愁
不飽。與其千家愁。何如一夫惱。君不見道光三年遭水
荒。秋收苦無穀。登場捐米那有升斗藏。是時平糶誰爲
倡。今茲指困有餘糧。不須剜肉更補瘡。以彼絜此孰短
長。況乃物價低昂本無定。請君心握酬機稱。釋德清詩
酬機但用
無心
稱

賑饑謠

劉珊

商賑飢縣官。肥官米糶胥吏飽。男婦迤邐各襁負。侵晨

擁擠直至西垂死始得粥一簞踏斃老稚十三吁嗟
飢民猶菜色縣官乃報時雨得

官賑謠

徐謙

女號母夫號婦強率弱稚隨耆瞽循牆跛昂首或提囊
或執甌打鼓升堂官點牌皂隸怒呼聲如剝行遲鞭見
血官倉飛塵霾走百里領升米腹餒而行遲念父母兄
弟少婦抱兒來南鄉酷日血汗揮如漿嬰兒死懷中拋
棄歧路旁路旁兒死不足惜喧傳官倉閉明日

打粥婦

貧民領粥俗謂之打粥有少婦懷垂死兒打粥悲之作此祈寓藻

長椿寺前打粥婦兒生六月孀十九官家施粥但計口

有口不論年長幼兒食孃乳孃食粥一日兩盂免枵腹
朝風餐夕露宿兒在雙兒亡獨兒病斷乳孃淚續兒且
勿死爲孃今日趁一粥掩懷拭淚不敢哭。

開倉謠

陳裴之

通衢告示文煌煌七月廿八開官倉開官倉糴積穀出
有餘補不足每升廿七人三升無侵無冒無虛登左倉
持籌右斛米人影蹴踏聲喧騰暮遇老翁道旁哭家住
橫塘都十六妻病經年臥牀蓐兩日朝炊斷饘粥敝襦
質錢苦不足求向官倉糴官粟忍飢半夜行入城左廠
右廠門早扃官因穀少難濟衆欲拒來者愁無名四更

開倉五更閉我來已及東方明飢腸雷鳴不能住行履
龍鍾不能去悔不挈妻同入城我死今朝還一處里胥
語翁且莫哀捐日新穀揚州來

平糶行

孫 燮

平糶不予市僧權計口大小但給錢大口十日給錢百
糶米祇救兩日活小口五十更可憐。枵腹應將草根掘。
侵晨古廟何纍纍鳩形鵠面行相隨官頒竹籤當符節
唱名對簿關防施或作晉鄙兵符竊李代桃僵難究詰
或如告身易一醉妻兒無糧但聚泣東風吹雨行路溼
易米歸來煮糜食中田又見萊麥壞盼到秋成那可得

吁嗟乎豐年錢多盛賽會。凶年錢賴富民貸。富民錢盡
賑不長。茫茫來日憂方大。

官米謠

王嘉福

昨日糴官米。市估吞聲吏胥喜。今朝官米糴。饑民垂淚
吏胥笑。長官中坐吏兩邊。東門驗票西收錢。一升米入
饑民手。冊上開除報一斗。何來鄉愚慘顏色。卻道糠粃
不堪食。吏怒告官。官咎民。吏言官聽。稱官仁。日午官歸
吏分粟。運取公然論釜斛。年豐那得身家肥。但願來年
再賑饑。

粥廠謠

又

賑饑民官煮粥半杓石灰一杓粥熬作泥漿果人腹北
風森寒肌起粟胥吏重裘飽酒肉長官排衙開冊讀兩
邊唱籌以次續弱者趙趙遭詈辱强者提筐往而復路
旁老翁形瑟縮鼻觀聞香遙注目飢餓中燒直前掬官
怒擒前命鞭扑老翁仆地吞聲哭昨朝里正點村屋老
翁無錢名不錄今晨橫被官刑酷忍飢歸醫杖瘡毒鳴
呼此是賑饑民官煮粥

官賑謠

姚鎮

饑民半死賑始聞縣官運米縣吏分饑民如莩吏如虎
莩欲飽食虎大怒紅旂驅入圈牢中分米點籌何恩恩

吾君半石穀吾民一簞粥饑民腹未飽縣吏食不了至尊九重那得知活我百姓良有司有司不救填壑死壑中亦有宦家子

永康謠

吾郡張蔣塘先生吉安宰浙中歿祀名宦祠在永康正災事尤美作永康謠浙中偏

災向不議賑自先生令永康始正之

朱 綬

儒有致用實莫如善爲令腰組徑寸銅乃繫萬人命賑災格成例民死令所弔救民生死地令敢上官諍此令彊項哉上官懷生敬一邑便宜事一省布爲政偏災有時有缺賑苦億姓令祇盡厥心豈自謂予聖民今尸祝之激感亦恆性令昔播文教誦言法孔孟令昔整風俗

除惡殛梟獍令移大縣去桑祿四郊盛令歸田野間頌
禱無疾病愛留奉祠朱功偉鑿渠鄭我歌永康謠采之
在輿評

平糶

吳世涵

往年秋旣穫米賤農不傷今年秋旣穫米價益以昂農
田旣無得穀貴殊非常鄉民請平糶百十登公堂縣官
從其請方謂此法良詎知四鄰邑今歲盡凶荒處處米
騰貴平價策非長富民旣不樂閉糶匿餽糧用威強出
之又以利奸商糶賤入私囊販貴向他方不及數月間
家家空倉箱噫嘻糶盡後饑黎復何望獨荒糶可平衆

荒不同量。寄語賢牧令平糶且勿忙。

公米

又

昔人制井邑安民有深意。比閭使保調族黨相拯濟。善哉公米糶猶能敦古誼。鄰里遭凶年市米日踴貴。村村自爲保減價以相畀。計口日給之升合逮孩穉倉箱苟不足遠糴以爲繼。富者旣以安貧者得所賴救荒有常平良法安敢議。開倉必上請官吏多顧忌。社倉聽之民收放似無害。良莠不能齊亦復滋流弊。唯此自調恤厚意可徧逮。所慮窮僻鄉居人盡貧匱不然通有無安得餓李輩此事良可風守之庶勿墜。

官粥謠

謝元淮

東舍絜男西攜女齊領官粥向官府日高十丈官未來
粥香撲鼻腸鳴苦忽聞籠街呵殿高萬目睽睽萬口囂
一吏執旗殿前招男東女西分其曹授以粥籤揮之去
去向官棚施粥處投籤受粥行勿遲遲遲便遭官長怒
虬髯老吏攔前門手秉長杓色如暝大口一杓小口半
須知點滴皆官恩阿孃呼女兒呼耶官殿已收催還家
片席爲廬蔽霜雪嚴寒只有風難遮道逢老叟吞聲哭
窮老病足行不速口不能言惟指腹三日未得食官粥

書賈雲階荒賑謠後

王慶勲

救荒無善策。古人會議此。堯水與湯旱。不聞民飢死。所
貴籌平時。備豫有可恃。自漢常平廢。貽患久不止。金華
社倉記。弊亦陳。朱子今但存其名。畫餅徒滿紙。一遇災
荒來。袖手惟相視。周官保富條。立意有深旨。元氣藏於
民。卽以衛鄉里。無已議捐輸。於理未應訾。所慮立法疏。
弊卽從此起。立法意云何。其權不在官。卽以各戶捐。使
博鄉里歡。都鄙劃然判。量力拯飢寒。更恐倉廩匱。掣肘
多所難。計口散青蚨。俾自謀一餐。不濫亦不擾。或可紓
凋殘。

蠲租行用元次山春陵行韻

龔鼎孳

皇帝將改元制書詔所司方春重民事王政務急施水
旱兼盜賊人氣誠傷悲萬方惟正供悉索亦已疲新餉
五百萬剗肉療飢羸國計在本根毛附先存皮民困必
失所拯溺焉能遲丞相下郡國一切蠲除之先是加賦
意豈不哀窮黎水衡算金錢橋陵方告期滇閩各用兵
軍行糧輒隨朝廷尙恭儉大事須藉資痼瘵上帝心四
海甯盡知况復州邑吏鞭撻到子遺御史大夫言陛下
眞聖慈元元樂寬大生息理可爲民貧不獨富斯義古
所持流離與死亡號呼欲向誰固知非得已久大難權

宜我 皇本堯舜天聽頃刻移諫行膏澤下千載明良

時煌煌社稷寄輔導良不虧君仁則臣直拜手陳古辭

海圻謠爲王明府賦

縣境瀕海民田圯於海濤者久而猶科其糧王明府檄下

車問民所苦覈得其實請之中丞具題脫其籍邑人爭爲謠以美之張雲章

嚠邑斥鹵瀕海水具區東注一何駛馮夷鼓浪海若驕
隤沙落岸何時已室廬爲漚田疇洿淪入蛟宮百丈底
征輸有籍履畝無誅求到骨多轉徙賢侯鳬舄來翩翩
痼瘵視爾眞如子天門蕩蕩呼籲通蠲除仁惠浹肌髓
當今吏治有如公營構大厦須文梓廊廟需材更達聰
忍使大賢淹百里

紀事

胡旭

田賦江南最輸將次第寬

上諭各省以次蠲賦人心歲已卯輸值浙之杭湖

游浩蕩

天意憫艱難淪浹

皇仁徧辛勤歲事殫降

康良不易

宵旰詎能安

國朝詩鐸卷十六終

國朝詩鐸

卷十六

蠲免

聖